

IRIZPENA 16/10

Maite Alonso
Igone Abio
Juan Carlos Jauregui
Isabel Kapanaga
Mari Tere Ojanguren
Antxon Rodríguez
Eva Blanco, (Idazkari teknikoa)

Euskadiko Eskola Kontseiluaren Batzorde Iraunkorraren 2016ko urriaren 25eko bilkurara bazterrean aipatutako kideak joan ziren. Batzorde horrek adostasunez eman du ondoko irizpena: **Hezkuntza, Hizkuntza Politika eta Kultura Sailaren titularitatekoak diren ikastetxeak eraldatuz Lanbide Heziketako ikastetxe bateratuak sortzen dituen Dekretu proiektuari buruzkoa.**

I. AURREKARIAK

Kualifikazioei eta Lanbide Heziketari buruzko ekainaren 19ko 5/2002 Lege Organikoak, lanbide-heziketako ikastetxe integratuen sorrera eranstean die, 11. artikuluan xedatzen du Gobernuak ezarriko dituela ikastetxe horiek bete beharreko oinarritzko baldintzak, eta horiek sortzea, baimentzea, homologatzea eta kudeatzea Administrazioen egitekoak izango direla haien eskumen-eremuan.

Abenduaren 23ko 1558/2005 Errege Dekretuak lanbide-heziketako ikastetxe integratuentzako oinarritzko baldintzak arautzen ditu

Bizialdi Osoko Ikaskuntzari buruzko urriaren 10eko 1/2013 Legeak II. Kapituluaren jasotzen du lanbide-heziketako euskal sistema integratua. Kapitulu horretan bertan adierazten denez, lanbide-heziketako ikastetxeen sarea da sistema horretako tresnetako bat. II. Kapituluaren Hirugarren Sekzioan, lanbide-heziketako eskaintza integratua deskribatzen da; eskaintza horren oinarrian, ikastetxe-sare zabal bat dago, hasierako eta enplegurako lanbide-heziketa eskainiko duena. Sare horretan, lanbide-heziketako ikastetxe integratuak daude besteak beste. Ikastetxe integratuek irakaskuntza hauek eskainiko dituzte prestakuntza-jardueretan: hasierako lanbide-heziketari dagozkionak; langileen laneratzeko eta birlaneratzeko ekintzei dagozkienak, eta etengabeko prestakuntzari dagozkionak, lanean dabilen langileentzat direnak. Ikastetxe integratuek, baimenduta dituzten lanbide-familiei edo -arloi dagokien prestakuntza-eskaintzaz gainera, lanbide-informazioko eta -orientazioko zerbitzuak eskainiko dituzte, eta, hala badagokio, baita beste ikaskuntza ez formal batzuen bidez edo laneko eskarmentuaren bidez –kualifikazioen eta lanbide-heziketaren sistema nazionalaren esparruan– lortutako gaitasuna ebaluatzeko zerbitzuak ere.

Kualifikazioei eta Lanbide Heziketari buruzko ekainaren 19ko 5/2002 Lege Organikoaren esparruan, Euskal Autonomia Erkidegoko Lanbide Heziketako Ikastetxe Integratuak arautzen dituen Apirilaren 1eko 46/2014 Dekretuak 8.2 artikuluan ezartzen duenez, hezkuntza- edo enplegu-arloko sailen menpeko lanbide-heziketako ikastetxe integratu publikoak sortu, eraldatu eta kendu ahal izango dira, bi sail horietako edozeinen ekimenez.

46/2014 Dekretuak arautzen ditu Euskadiko lanbide heziketako ikastetxe bateratuak bere 8.1 artikuluan, non zehazten baitu ikastetxe horiek berriak izan daitezkeela eta baita ere lehendik daudenak eraldatuz, batuz edo banatuz sortu direnak.

Irizpenpean jarri den dekretu proiektu honen bidez lehendik existitzen diren lanbide heziketako 22 ikastetxe publiko eraldatzen dira.

II. EDUKIA

Dekretuak lau artikulua, bi xedapen gehigarri eta azken xedapen bat ditu.

Lehen artikulua eranskinean jasotzen diren 4 ikastetxe, ikastetxe integratu bihurtzen dira, 2015eko irailaren 1etik aurrera.

Bigarren artikulua aipatutako ikastetxeak titulartasun publikoko lanbide-heziketako ikastetxe integratuen sarea sartzeko ditu.

Hirugarren artikulua Prestakuntza-eskaintzari buruzkoa da eta laugarrenak ikastetxe hauetako langileei buruzkoa.

Lehen xedapen gehigarriak ezartzen du eraldatutako ikastetxeetako zuzendariak kargutik kenduko direla eta bigarrenak Batzorde Sozial bat sortuko dela.

III. BALORAZIOA ETA PROPOSAMENAK

Euskadiko Eskola Kontseiluak, urtarrilaren 15eko Batzorde Iraunkorrean, 15/01 irizpena onartu zuen, Hezkuntza, Hizkuntza Politika eta Kultura Sailaren titularitatekoak diren ikastetxeak eraldatuz Lanbide Heziketako ikastetxe bateratuak sortzen dituen Dekretu proiektuari buruzkoa. Irizpenean proposatutako ekarpenak 85/2015 Dekretuaren azken idazkeran sartu ziren.

Euskadiko Eskola Kontseiluak ez dauka oztoporik dekretu proiektuak planteatzen duen bezala 4 ikastetxeak eraldatzeko, betiere 46/2014 dekretuko eskakizunak betetzen badituzte ikastetxe bateratu izateko.



Irizpen hau zure erabakiaren menpean geratzen da.

Bilbo, 2016ko urriaren 25a

IDAZKARI TEKNIKOA

Sin.: Eva Blanco Ochoa

Ikus-Onetsia

PRESIDENTEA

Sin.: Maite Alonso Arana

HEZKUNTZA, HIZKUNTZA POLITIKA ETA KULTURA SAILBURUA